



CONCELLO DE FRIOL (LUGO)

MODIFICACIÓN DA ORDENANZA FISCAL REGULADORA DO IMPOSTO DE VEHÍCULOS DE TRACCIÓN MECÁNICA.

O Alcalde-Presidente conforme ao disposto na Vixente Lexislación Reguladora das Bases de Réxime Local e do disposto no Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, propón á consideración do Pleno a modificación da Ordenanza Fiscal Reguladora do Imposto de Vehículos de Tracción Mecánica.

O obxectivo que se propón coa modificación da ordenanza é contribuír ao incremento dos ingresos municipais, que hai tempo se atopan estancados. Elo non vai parello co gasto, que medrou nos últimos exercicios, por motivos varios. Os principais son os servizos que o concello presta á cidadanía, que se foron incrementando notablemente. Tamén o esforzo realizado en investimentos, tanto os realizados con cargo a fondos municipais, como os derivados das obrigas de cofinanciación impostas por outras administracións para a realización de investimentos no concello. Tamén as subidas de salarios de persoal (derivados de modificacións lexislativas) así como dos materiais e subministrados. Polas razóns expostas, considérase que o concello debe proceder, en relación con este imposto ao incremento do tipo de gravame. Ademais proveítase a ocasión para actualizacións normativas do texto da ordenanza.

Á vista do disposto na Vixente Lexislación de Réxime Local, así como no Real Decreto Lexislativo 2/2004, de 5 de marzo (polo que se aproba o Texto Refundido da Lei Reguladora das Facendas Locais), do informe emitido polo Secretario-Interventor, considerando que é competencia do Pleno a aprobación da determinación dos recursos tributarios, despois do turno de intervencións ao respecto o Pleno do Concello en votación ordinaria e por dez votos a favor (do Sr. Alcalde e dos concelleiros do Grupo Popular) e co voto en contra da concelleira do Grupo Mixto **ACORDA:**

- A aprobación inicial da modificación da ordenanza fiscal reguladora do Imposto de Vehículos de Tracción Mecánica, segundo o texto que se transcribe a continuación, como ANEXO.
- Que se someta ao trámite de información pública no taboleiro de anuncios, así como na sede electrónica do concello por un prazo de trinta días hábiles, contados a partir do seguinte ao da publicación de edicto no Boletín Oficial da Provincia, para que os interesados poidan examinar o expediente e presentar as reclamacións que estimen oportunas, no devandito prazo.
- Que se dea conta ao Pleno do Concello das reclamacións que se presenten, que se resolverán polo mesmo con carácter definitivo. No caso de non presentarse o acordo, ata entón provisional, elevarase a definitivo, sen necesidade de novo acordo plenario.
- Que o acordo definitivo e a ordenanza fiscal se publique no Boletín Oficial da Provincia, para a súa vixencia e posible impugnación xudicial, conforme ao previsto no art. 17 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais.

ORDENANZA FISCAL REGULADORA DO IMPOSTO DE VEHÍCULOS DE TRACCIÓN MECÁNICA.

Art. 1.º

1.- O pago do imposto de vehículos de tracción mecánica acreditarase:

- a) No caso de vehículos xa matriculados aptos para a circulación mediante recibos tributarios.
- b) No caso de primeiras adquisicións de vehículos, ou cando estes se reformen de xeito que se altere a súa clasificación a efectos do presente imposto mediante carta de pago.

Art. 2.º

1.- No caso de primeira adquisición dun vehículo ou cando estes se reformen de xeito que se altere a súa clasificación a efectos do presente imposto, os suxeitos pasivos presentarán ante a oficina xestora correspondente, no prazo de trinta días a contar desde a súa adquisición ou reformas, declaración por este imposto segundo modelo aprobado polo concello ao que se acompañarán a documentación acreditativa da súa compra ou modificación, certificado das características técnicas ou o código de identificación fiscal do suxeito pasivo.

2.- Pola oficina xestora practicarase a correspondente liquidación normal ou complementaria, que será notificada individualmente aos interesados con indicación do prazo de ingreso e dos recursos procedentes.

Art. 3º

1.- No caso de vehículos xa matriculados ou declarados aptos para a circulación o pago das cuotas anuais do imposto realizarase dentro do segundo trimestre de cada exercicio.

2.- No suposto regulado no apartado anterior a recadación das correspondentes cuotas realizarase mediante o sistema de padrón anual no que figurarán tódolos vehículos suxeitos ao imposto que se



CONCELLO DE FRIOL (LUGO)

atopen inscritos no correspondente Rexistro Público a nome de persoas ou entidades domiciliadas neste termo municipal.

3.- O padrón ou matrícula do imposto expoñerase ao público polo prazo de quince días hábiles, para que os lexítimos interesados poidan examinalo e no seu caso formular as reclamacións oportunas. A exposición ao público anunciarase no Boletín Oficial da Provincia e producirá os efectos de notificación da liquidación de cada un dos suxeitos pasivos.

Art. 4.º

O imposto esixirase de acordo coas cuotas do cadro de tarifas do art. 95. do Real Decreto Legislativo 2/2004, de 5 de marzo, polo que se aproba o Texto refundido da Lei Reguladora das Facendas Locais. O cadro de tarifas poderá ser modificado pola Lei de Presupostos Xerais do Estado, sen necesidade de adaptación da ordenanza.

O Concello ao abeiro do previsto no art. 95.4 fixa no 1.25 o coeficiente de incremento das coas previstas no apartado 1 do art .95.

Art. 5º

Os vehículos históricos ou aqueles que teñan unha antigüidade mínima de 25 anos gozarán dunha bonificación do 100% da cuota do imposto. A antigüidade contarase a partir da data da súa fabricación, ou se esta non se coñecera, tomarase como tal a da súa primeira matriculación, no seu defecto a data na que o correspondente tipo ou variante deixouse de fabricar.

DISPOSICIÓN FINAL

A presente Ordenanza Fiscal, aprobada inicialmente polo Pleno do Concello na sesión do 28 de setembro de 2023 (en canto modificación do texto aprobado polo Pleno na sesión celebrada o 12 de decembro de 2001) entrará en vigor o mesmo día da súa publicación no Boletín Oficial da Provincia, e comezará a súa aplicación a partires do seguinte ao da súa publicación íntegra no Boletín Oficial da Provincia, permanecendo en vigor ata a súa modificación ou derogación expresa